

廿二史考異

北史一

廿二史攷異卅八

錢大昕學

魏本紀一

神元帝 元年歲在庚子 魏文帝黃初元年也

帝乃告諸大臣爲與晉和親計四十二年遣子文帝如
晉是歲晉景元二年也 景元魏常道鄉公年號其
時晉未受禪也魏收書晉字皆作魏此誤

平文帝 元年歲在丁丑 晉元帝建武元年也

昭成帝 建國元年 晉成帝咸康四年也是年歲在

戊戌

攷異

北史一

二

聘慕容暉女爲皇后 是時什翼犍自稱代王其妻不
應有皇后之稱魏史追書之耳晉書臬作皝皝俗字
劉務桓死其弟闕頭立 僭偽傳作闕陁頭

十二月至雲中旬有二日皇子寔君作亂帝暴崩 按

晉書苻堅載記涉翼犍

印什

戰敗遁于弱水退還陰

山其子翼圭縛父請降堅以翼犍荒俗未參仁義令
入太學習禮以翼圭執父不孝遷之於蜀是翼犍嘗
被執至長安魏史諱而不言爾延壽生於唐世無所
諱忌乃不取本朝御撰之書而仍伯起曲筆之史是
其短也

道武帝 元年葬昭成皇帝于金陵 自什翼犍被執

道武逃竄賀蘭部僅得存活代之無主者九年魏收

於昭成沒後卽稱道武帝元年以至九年誕妄之甚

也北史不當仍之

明人編通鑑綱目前編以夏少康始生之歲卽爲元歲蓋仿魏收之

例然自古未有無國而稱元年者

登國元年劉顯遣弟亢泥 后妃傳作亢泥

三年慕容垂遣使朝貢 按登國三年四年再書垂遣

使朝貢亦沿魏收之文是時拓跋雖自立國猶臣屬

於燕乃以燕使至爲朝貢何顏之厚乎明元永興三

年五年神瑞元年屢書姚興遣使朝貢秦於魏爲敵

國亦不當云朝貢此皆宜改而不改也

皇始二年寶弟賀麟將妻子走西山 賀麟一名麟晉

書後燕載記所謂趙王麟也

劉庫仁傳後奔慕容麟
麟徙之中山僭偽傳亦

稱趙
王麟

城內共立慕容普隣爲主 晉書載記所謂慕容詳也
明元帝 母曰劉貴人 按后妃傳云登國初納爲夫
人未見貴人之稱

魏本紀二

文成帝 母曰閻氏 按后妃傳景穆皇后郁久閻氏
河東王毗妹也郁久閻本蠕蠕之族太和中改稱閻

氏外戚傳亦但稱閻毗唯后妃傳稱郁久閻於史例殊不畫一

興安元年十一月皇

或作王讓

妣閻氏薨

按后妃傳少以

才選入東宮有寵生文成皇帝而薨文成卽位追尊號諡是閻氏之薨在文成卽位以前紀書于卽位之後自相矛盾

魏本紀三

孝文帝 太和二十二年正月被新野斬其太守劉思忌南齊書作劉思忌

魏本紀四

攷異

北史

三

孝明帝 皇曾孫故臨洮王寶暉世子釗體自高祖
寶暉當是京兆王愉之子愉得罪死後追封臨洮王
史不言何人嗣王蓋卽寶暉也寶暉之子於孝文爲
曾孫故稱皇曾孫

論 比之漢世安順宣武之後繼以元成 按延壽史
論多襲舊史之文此篇前半用魏收世宗紀論後半
用肅宗紀論也世宗論末云比夫漢世元成安順之
儔歟肅宗論首云宣武已後政綱不張延壽本用其
語後來轉寫慎到又爲妄人改竄文義遂不可通當
依魏書正之

魏本紀五

永安二年遷文穆皇帝及文穆皇后神主于太廟 按
自古帝王由藩國入繼雖或追崇本生未有升祔太
廟者元魏孝莊始尊其父爲文穆皇帝遷主太廟而
以孝文爲伯考此末季黷禮之事不足爲訓魏收錄
以爲戒而論復申言之以爲高祖不祀武宣享廟知
其福祿之不永可謂深切著明矣其時臨淮王彧上
表切諫言漢祖初業香街有太上之廟光武中興南
頓立春陵之寢元帝之於光武疏爲絕服猶尙身奉
子道入繼大宗高祖之於聖躬親實猶子陛下旣纂

洪緒豈宜加伯考之名帝竟不納明嘉靖議禮正用
孝莊故事永嘉諸臣猖狂罔忌識見更出元魏禮官
下矣

文帝 大統元年立妃乙氏爲皇后 后妃傳作乙弗

氏乙弗本複姓太和中改稱乙氏 乙渾亦稱乙弗渾
見陸麗高允傳

孝靜帝 天平元年以魏郡林慮廣平陽邱汲郡黎陽

東濮陽清河廣宗等郡爲皇畿 陽邱當作頓邱魏

志無東濮陽蓋謂東郡濮陽郡也東下脫郡字

齊本紀上

神武帝 六世祖隱晉元菟太守隱生慶慶生泰泰生

湖 按高湖事無足取魏收以齊獻武之曾祖特爲立傳延壽刪之是也但慶泰兩世皆有名位湖賜爵東阿侯諡曰敬皆應敘于紀中而全不書則又失之畧矣神武祖諡贈太尉公諡武貞父樹生贈太師渤海王諡文穆亦紀所不應畧者

抵揚州邑人麗蒼鷹 此揚州縣名在并州界中高季

緒封揚州縣開國公卽此

神武從祖兄子承樂太昌初封陽州縣伯進爵爲公

遠近聞之皆稱高儀同將兵整肅 按上文無除儀同

三司一節則此語爲無根

遂西寇潼關執毛洪賓 賀拔勝傳作毛鴻賓鴻賓亦

有傳鴻洪古通用字也魏孝武紀亦作洪賓

齊本紀中

文宣帝 天保元年六月封司空公潘相樂爲河東王
司空潘相樂爲司徒六年六月河東王潘相樂薨
按本傳樂字相貴不名相樂然魏孝靜帝紀齊書文
宣紀俱作相樂

孝昭帝 幼主卽位乃卽朝班 幼主卽廢帝也一篇
之中兩稱幼主一稱少主一稱廢帝

周本紀上

文帝 普回因狩得玉璽三紐文曰皇帝璽普回以爲

天授已獨異之 按後周之先出自匈奴宇文而紀

所述世系與匈奴宇文莫槐傳互異紀稱普回子莫

那莫那九世至侯豆歸爲慕容晃所滅傳稱莫槐弟

普撥普撥子邱不勤邱不勤子莫廐晉書作莫圭莫廐子

遜昵延晉書作悉獨官遜昵延父子世雄漠北又先得玉璽

三紐自言爲天所相每自誇大遜昵延死子乞得龜

立別部人逸豆歸殺乞得龜而自立爲慕容晃所敗

遠遁漠北自是散滅兩篇所述人名世系無一同者

一據周書一據魏書也延壽生于唐初去周末遠何

以不攷乃爾

夏州刺史解拔彌俄突

解當作斛

周書作斛

齊本紀天平

三年神武襲西魏夏州禽其刺史賀拔俄彌突卽此人也斛賀聲相轉

都督彌姐元進 彌姐羌複姓也見廣韻

遣儀同李諱 按舊唐書令狐德棻傳德棻嘗從容言

於高祖曰陛下旣受禪于隋復承周氏歷數國家二

祖功業並在周時如文史不存何以貽鑒今古此修

史之議所由昉也其後德棻專司周書雖不復爲二

祖立傳乃其功績敘述亦復寥寥北史所載大率因

周書舊文如是年遣儀同李諱與李弼趙貴等討曹

泥於靈州諱引河水灌之大統四年開府李諱念賢等爲後軍及李諱等至長安李弼傳使持節太尉柱國大將軍大都督尙書左僕射隴右行臺少師隴西郡開國公李諱王盟傳趙青雀之亂盟與開府李諱輔太子出鎮渭北皆謂李虎也周本紀天和六年以大將軍李諱爲柱國此謂李昞也凡校書須仍元文周書於李諱字皆改爲虎并天和六年李諱亦作虎則謬妄之甚矣唐書稱周閔帝受禪虎已卒乃追封唐國公安得至武帝朝且虎在西魏時爲八柱國之一豈待天和中始授柱國乎

恭帝元年魏史柳虬執簡書告於朝曰 按宇文泰於
孝武躬行弒逆較之高歡之逐君罪又甚焉柳虬之
簡盧辯之誥矯誣詐僞乃王莽大誥之流何足污史
策乎南北史刪改八書凡詔牋賦頌之類多所芟落
然尙有當刪而不刪者如顧歡袁粲佛老之辯徐勉
戒子之書劉峻之廣絕交王劭之表符命衛操之立
碑蘇綽之大誥皆是也

孝閔帝 元年正月天王卽位 史失書卽位之日據
周書乃辛丑日也魏恭帝以十二月庚子遜位次年
正月辛丑周主卽位蓋月之一日

明帝 武成元年正月初改都督諸州軍事爲總管

王懋竑曰前此都督結銜皆云都督幾州軍事某州
刺史北史變其例云都督某州刺史取省文耳自改
稱總管以後史但書某州總管不云刺史似結銜亦
異於前矣然攷周書蔡國公廣傳除秦州總管十三
州諸軍事秦州刺史齊王憲傳除益州總管益寧巴
盧等二十四州諸軍事益州刺史李弼傳李輝總管
梁洋等十州諸軍事梁州刺史李櫛總管延綏丹三
州諸軍事延州刺史尉遲綱傳除涇州總管五州十
一防諸軍事涇州刺史又爲陝州總管七州十三防

諸軍事陝州刺史侯莫陳瓊傳遷金州總管六州諸
軍事金州刺史轉荊州總管十四州八防諸軍事荆
州刺史据此則止改都督爲總管而其職任不異本
紀但云某州總管者止以所治之州冠于總管之上
以取簡便非當日結銜之本然也隋有揚并益荆四
大總管又有諸總管皆以某州總管爲名似與周異
然攷隋書秦王俊傳云揚州總管四十四州諸軍事
并州總管二十四州軍事蜀王秀傳云益州刺史總
管二十四州諸軍事皇甫績傳云信州總管十二州
諸軍事則仍與周同但史家例書某州總管惟列傳

偶一見之耳大圻按北史於總管結銜亦有全書者
長孫儉傳授總管荆襄等五十二州諸軍事行荊州
刺史轉陝州總管七州諸軍事陝州刺史李弼傳出
爲總管延綏丹三州諸軍事延州刺史侯莫陳穎傳
拜桂州總管十七州諸軍事王謙傳授益州總管十
八州諸軍事權景宣傳授荊州刺史總管十七州諸
軍事尉遲迴傳除秦州總管秦渭等十四州諸軍事
韋孝寬傳除徐兗等十一州十五鎮諸軍事徐州總
管崔彥穆傳拜安州刺史總管十二州諸軍事又除
金州刺史總管七州諸軍事又爲襄州刺史總管六

州諸軍事令狐熙傳拜桂州總管十七州諸軍事王慶傳總管汾石二州五鎮諸軍事汾州刺史是也但其時設州既多加以鎮防名色紛緜不能如晉宋諸書之例史家競趨簡易約舉數州後之攷地理者仍無從舉其名目耳唐時諸州都督結銜猶依舊式如尉遲敬德碑云授襄都鄧浙唐五州都督襄州刺史贈使持節都督并蔚嵐代等四州諸軍事并州刺史王湛碑云贈使持節都督瀘榮溱珍四州諸軍事瀘州刺史楊志本碑云除都督潭衡等七州諸軍事潭州刺史皆其明證而史家省文祇書某州都督而已

隋本紀上

文帝 魏初爲武川鎮司馬因家于神武樹顏焉 樹

顏縣名屬神武郡魏書地形志作殊顏蓋避高歡父

諱

以東魏之逼與信俱歸 紀不書犇梁事史臣諱之

以隋州之崇業鄖州之安陸城陽溫州之宜人應州之

平靖上明順州之淮南土州之永川昌州之廣昌安

昌申州之義陽淮安息州之新蔡建安豫州之汝南

臨穎廣寧初安蔡州之蔡陽郢州之漢東二十郡爲

隋國 按鄖州之名不見於隋志據隋志安陸城陽

二郡皆屬安州則鄖州卽安州矣崇業宜人永川建
安四郡隋志皆無之士州志作土州未知孰是

開皇六年山南荆浙七州水 浙當作浙周隋置浙州
於浙陽卽後魏析州也浙非州名此轉寫之譌

十八年祀宋陳亳曹戴穎等州水 戴州卽濟陰之成
武縣開皇十六年置州

隋本紀下

煬帝 王懋竑曰此紀全是隋書之文畧無增減詔令
載於南北史者較本書不過什之二三獨此紀皆載
全文大業八年征遼詔千有餘言亦備載不遺一字

疑北史闕此卷後人以隋書補之耳北史本紀例稱
帝此篇獨稱上亦一證也大昕按北史紀傳後皆有
論曰獨此篇稱史臣曰
后妃傳上

三嬪視三卿六嬪視六卿世婦視中大夫 按靈太后
初入掖庭爲承華世婦既誕明帝進爲充華嬪明帝
充華潘氏亦稱潘嬪是嬪與世婦皆別有嘉名史家
不能悉舉耳

魏文成皇后馮氏 父朗秦雍二州刺史西城郡公
外戚傳作遼西郡公

太后立文宣王廟于長安 按外戚傳馮朗追贈燕宣

王立廟長安文宣嘗爲燕宣之譌

故杞道德王遇張祐苻承祖等 杞道德卽抱疑也恩

幸傳疑字道德其先姓杞

文成皇后李氏梁國蒙縣人 李崇傳作頓邱人頓邱

蓋其族望而家於蒙縣也

母頓邱王峻之妹也 母字衍

宣武靈皇后胡氏 時太后逼幸清河王懌 按元義

傳言懌以親賢輔政每欲黜又遂令通直郎宋維告

司染都尉韓文殊欲謀逆立懌懌坐禁止後窮案無

實又恐懌終爲已害乃與侍中劉騰密謀詐言懌貨

中黃門胡虔等金帛令以毒藥置御食中以害帝帝
信之初不言太后逼幸事清河王懌傳亦言元又恃
寵驕盈懌每抑黜之又黨人秀旨告懌謀反禁懌門
下訊問左右得釋焉正光元年又與劉騰逼孝明於
顯陽殿閉靈太后於後宮因懌于門下省懌罪伏遂
害之亦不言宮壺事然則逼幸清河一節乃元又輩
誣讖之辭未可信爲實然也

文帝后乙弗氏 高祖莫瓌擁部落入附拜定州刺史
封西平公 莫瓌卽乙瓌也已見列傳十三卷三世
尚公主封號俱於彼傳詳見之此云莫瓌拜定州刺

史而彼傳不書蓋西魏四后皆魏收書所無延壽別采它書增益之故前後不相檢照并不悟莫瓌與瓌之卽一人也

后妃傳下

齊武明皇后婁氏 及茹茹公主至后避正室處之

茹茹與蠕蠕音本相似然北史紀傳諸篇皆依魏收書作蠕蠕無有作茹茹者惟后妃傳序例云神武所聘茹茹女稱茹茹公主此篇亦有茹茹公主之文而上文卽云神武逼于蠕蠕欲娶其女此後仍書蠕蠕公主一卷之中不相檢照如此難免後人之指摘矣

周文皇后元氏 魏孝武之妹也初封平原公主 按

魏本紀孝武從妹不嫁者三一曰平原公主明月南

陽王同產也是同時有兩平原公主矣

張燮傳作平原公主

宣華夫人陳氏容華夫人蔡氏 按前卷序隋文置三

夫人九嬪之名無云宣華容華者

魏諸宗室傳

宣都王目辰 乙渾謀亂目辰順陽公謀殺之 順陽

上當有與字

華山王鷲 咸陽王坦謂鷲曰孔雀老武官何因得王

鷲答曰斬反人元禧首是以得之 按鷲封王在孝

莊時距咸陽王禧之誅已二十八九年矣本傳及禧傳俱不載斬禧事恐未可信魏書此卷已亡卽用北史補之疑此延壽所增非魏書本文

子思 尋魏書崔琰傳晉文陽傳緞傳皆云旣爲中丞百寮震悚 按三國志崔琰傳緞二傳竝不云爲御史中丞晉文陽或疑晉陽秋之譌然緞魏人非晉人也

昭成皇帝九子庶長曰寔君次曰明元帝 明元當作獻明

嶺 後拜南豫州刺史 南豫州治懸瓠城魏書地形

志但稱豫州無南字

素 休屠郁原等叛素討之斬渠率徙千餘家于涿鹿
之陽立平原郡以處之 此平原郡在幽州界內魏
收志失載

可悉陵 沮渠茂虔令一驍將與陵相擊 茂虔紀傳
皆作牧健牧茂聲之轉健虔音同

紹 宣武詔令檢趙修獄以修佞幸因此遂加杖罰令
其致死 按趙修傳不見元紹姓名

壽興 洛陽男子姓元名景 按壽興名景不見于史
當由名犯唐諱故書其字此銘作韻語不可稱字乃

以景代之耳

疑 斷疑要而出 要下有闕文當是要帶之類魏書
此篇亡後人取北史補之要字下注闕

淑 秦州河東杼袖代春 按魏初置秦州於河東故
有秦州河東之謠監本秦作秦蓋據魏書地形志校
改然其時自有秦州治天水不應同時有兩秦州當
以秦爲正

道武七王傳

江陽王繼 大都督節度西道諸軍事 據此則節度
之名元魏已有之不始於唐也

太武五王傳

廣陽王浚 浚本名淵唐人避諱追改北史列傳中鄧彥海侯浚張浚皆名淵或改爲浚或稱其字

景穆十二王傳下

東阿公順 僕射李思沖尙與王洛誠同傳以此度之卿亦應繼其卷下 按元順所舉當是魏書舊本崔鴻諸人所修今魏收史列王獻於恩倖而李沖別爲傳不如舊史臣之直筆矣

文成五王傳

安樂王長樂 皇興四年封建昌王 此事本紀失書

鑒 斬首傳洛詔改姓元氏莊帝初許復本族 按元
爲國姓鑒以謀反絕其屬籍不當仍姓元氏魏書云
改其元氏似爲得之

獻文六王傳

廣陵王羽 今解卿長兼可光祿大夫守尙書 按長
兼與守皆非正授之名據此傳于果以長兼尙書降
爲守尙書則守下於長兼一等矣

廣陵王欣 恭帝初遷大丞相薨 魏本紀不載此事
且是時宇文泰擅權未必以大丞相之名假人恐不
可信

彭城王勰 嫡子劭字子訥襲封 按勰第三子子攸
封長樂王卽孝莊帝也子攸弟子正封始平王於河
陰遇害又孝莊兄子小字伽那封陳留王傳皆失書
劭子韶襲封彭城王 按韶弟襲武定元年封武安王
傳亦失書

大誅元氏自昭成已下竝無遺焉 按元文遙元景安
俱昭成之後賜姓高氏元蠻道武之後以女嫁孝昭
苦請得免賜姓步孤氏又元士將昭成之後武成時
官將作大匠元景皓亦昭成之後以不肖改姓誅家
屬徙彭城則其時仍有漏網者矣此傳云前後死者

七百二十一人當得其實齊本紀云殺三千人恐史家已甚之詞

北海王詳 妃宋王劉昶女 按咸陽王禧傳詳聘吏部郎中榮陽鄭懿女

孝文六王傳 孝文諸子京兆王愉之子爲西魏文帝廣平王懷之子爲孝武帝清河王暉之孫爲孝靜帝而篇中皆不見其名知此卷文字脫漏多矣

京兆王愉 孝武初爲護軍將軍 孝武當作宣武

於是孝武攝愉禁中 孝武當作宣武

孝武詔尙書李平討愉 孝武當作宣武

後靈太后令愉之四子皆附屬籍追封愉臨洮王寶月
乃改葬父母追服三年 愉四子其一爲臨洮王寶
暉其一爲南陽王寶炬其一當是寶月其一不可攷
矣寶月上當有脫文

清河王懌 孝武初拜侍中 孝武當作宣武

又言于孝武曰 孝武當作宣武

孝武笑而不應 孝武當作宣武

閻懌之喪爲之勢面者數百人 按本紀正光四年追
封懌爲范陽王尋復爲河間王其子亶嗣封清河史
不著其年月大約在孝莊朝也普泰元年以亶爲太

傅永熙元年爲司徒孝武西遷齊神武推亶爲大司馬承制行事未幾立亶子善見爲帝卽孝靜帝也天平三年亶薨興和二年封皇兄景植爲宜陽王皇弟威爲清河王謙爲潁川王皆憚孫也

廣平王懷闕此傳全篇已亡僅存三十二字不知所謂攷本紀懷以太和二十一年封明帝卽位由驃騎大將軍進司空遷太保領司徒熙平二年薨孝昌二年封懷長子誨爲范陽王官至左僕射爲尔朱兆所殺文帝大統中有廣平王贊疑亦懷之子

汝南王悅 此篇亦多脫文悅以景明四年封熙平二

年爲儀同三司坐殺人免官皆不書此闕漏之顯然者

悅乃爲大剗確置於州門 此悅都督徐州時事其上又有脫文

孝武以廣陵頗有德望以悅屬尊地近內懷畏忌故前後害之 廣陵謂節閔帝也廣陵安定東海皆嘗登大位悅亦爲梁所立故孝武忌而害之豈以其德望及屬尊故邪東海安定於屬本疏又無德望何亦死於非命史所言失其實矣

北史二

廿二史攷異卅九

錢大昕學

衛操傳

魏軒轅之苗裔言桓穆二帝統國馭衆威禁大行此
傳載衛操所立碑文古質可誦中多韻語極似漢碑
惜爲史臣改竄失其本真篇首云魏軒轅之苗裔攷
其時未有魏號以文義度之當云鮮卑拓跋氏也碑
爲猗也而立必書晉所授官爵及猗奄猗盧二人名
篇內稱桓穆二帝亦史臣所改

尉古真傳

攷異

北史二

太武卽位命眷與散騎侍郎劉庫仁等 此又一劉庫

仁

穆崇傳

從太武田嶠山有虎突出 北史避唐諱改虎爲武或
爲獸或爲猛獸或爲彪或爲豹今刊本間有虎字如
隋本紀西方以白虎南方以朱雀崔浩傳欲以駒犢
齒虎口封軌傳黃圖白虎通高昂傳高敖曹地上之
虎王慧龍傳義隆畏將軍如虎楊大眼傳北消郡常
有虎害溪山之虎尙所不免奚康生傳贊以熊虎之
姿奮征伐之氣綦連猛傳本欲尋山射虎張定和傳

贊虎嘯風生庚季才傳吾今譬騎虎誠不能下矣皆校書者妄改非李氏元文又如韓擒虎史皆作韓擒而王頌傳有韓擒虎字此傳前云有虎突出後云有力如武皆後人率爾妄改又不能盡改也

莫含傳

世稱莫含壁含音訛或謂之莫回城云 含回聲相近尉古真傳

明元初爲鳩飛將軍鎮大洛 按魏書官氏志太祖制定官號不依舊名諸曹走使謂之鳧鴨取飛之迅疾以同察者爲候官謂之白鷺取其延頸遠望此以鴻

飛爲將軍之號亦當取迅疾之義

長孫儉傳

後移鎮荊州授總管荆襄等五十二州諸軍事行荊州
刺史 按周明帝武成元年始改都督諸州軍事爲
總管儉鎮荊州尙在周末受禪以前而云總管者史
家追書之

長孫平傳

賀若弼鎮壽陽帝恐其懷貳遣平代之弼果不從平麾
壯士執弼送京 按賀若弼傳無不從被執事

長孫劭傳

孝文以其幼承家業賜名幼字承業 幼本稚字延壽

避唐諱改之唐人重廟諱南北史於嫌名皆不書如

長孫稚改爲幼李稚廉改爲幼廉孔稚孫改爲幼孫

謝稚改爲孺子孔稚珪單稱珪以稚治音同也宗炳

字少文庾炳之字仲文劉秉字彥節皆書其字以炳

秉與丙音同也沈滸字仲高只書仲高以滸虎音同

也魏宗室傳引漢書宣秉傳仍作秉乃校書者所改

非延壽本文

南史江秉之北史崔秉或亦後人所改

尋而正平郡蜀反復假承業鎮西將軍討蜀都督頻戰

有功 按本紀孝昌三年六月絳蜀陳雙熾聚衆反

攷異

北史二

三

自號始建王曲赦平陽建興正平三郡詔假鎮西將軍都督長孫承業討雙熾平之正平卽絳也雙熾本蜀人而僑居於絳故有絳蜀之稱

胡三省云蜀人徙居絳都者謂之絳蜀

長孫晟傳

以宗女封安義公主以妻之 安義突厥傳作義安

于栗磾傳

遷豫州刺史 此豫州治洛陽

宋隱傳

隱弟宣與盧元高允崔建從子愔俱被徵拜中書博士

後拜侍郎行司徒

袁延禧曰當作司徒

校尉卒諡曰簡侯宣子

謨襲爵 傳失書宣之封爵以高允徵士頌攷之蓋

封中都侯也

愔歷中書博士員外散騎常侍爵列人子 高允傳作

列人侯按魏書隱第三子溫世祖時徵拜中書博士

卒追贈列人定侯疑溫與愔本一人耳

刁靡傳

遷徐州刺史賜爵東安伯 魏書作東安侯此云伯者

誤也又下文云子遵襲爵太和中例降爲侯而靡傳

不見進爵爲公之文疑有脫誤

魏書同

唐和傳

晉西宜安人也 晉西當作晉昌

寇讚傳

讚弟謙有道術太武敬重之 卽天師寇謙之也傳脫
之字

拜讚南雍州刺史軹縣侯於洛陽立雍之郡縣以撫之
此州魏志不載蓋在宋武已殂奚斤入洛陽之後
與洛豫二州同置

源懷傳

臣有家勳不濡茅土之錫 按懷父賀封隴西王賀辭

老詔懷受父爵後例降爲公中間無罷黜之事又攷
太和十六年制異姓爲王者皆降爲公公爲侯侯爲
伯卽傳所云例降也陸麗與源賀皆異姓爲王者自
當依例得公爵乃麗子獻以自訟得之懷以丁艱不
容及例直至宣武之世上表陳請始得授北馮翊郡
開國公此事之可疑者細檢諸傳稱封爵者皆不言
食邑獨陸獻封鉅鹿郡開國公食邑三百戶源懷封
馮翊郡開國公食邑九百戶竊意魏制公侯五等皆
虛名無食邑懷雖身襲公爵而未有邑戶故云不露
茅土之錫也又官氏志開國郡公第一品散公從第

品則散公與開國公班位亦有別矣

司馬休之傳

晉宣帝季弟譙王進之後也晉渡江之後進子孫襲封
譙王 按進卒於魏世官止中郎其子遜於武帝初
始封譙王傳所書誤也

司馬楚之傳

奚斤既平河南以楚之所率人戶分置汝南汝陽南頓
新蔡四郡以益豫州 此時豫州治虎牢魏收志所
謂北豫州也

蕭贊傳

贊字德文本名綜 南史贊作讚蓋承梁書之譌梁武
諸子名皆从糸旁綜旣自稱東昏侯子而蕭寶夤爲
之夏名必不从糸旁矣南北史各爲立傳而北史較
畧蓋仍姚思廉魏收之舊文也南史旣不可畧則北
史之傳可刪

盧元傳

曾祖湛晉司空劉琨從事中郎 湛當作湛

監本作湛

彥卿貞觀中位石門令東宮學士 北史載唐初事如
隋恭帝紀煬愍皇后蕭氏周宣帝皇后元氏靜帝皇
后司馬氏隋齊王暕子愍裴矩何稠諸傳皆述後事

以畢前文合于史問若長孫晟傳大唐貞觀中追贈
司空上柱國諡曰獻寶毅傳武德元年詔贈毅司空
云云齊清河王勸傳大唐襄顯前代名臣追贈都督
四州諸軍事定州刺史此以唐之外戚而特書房彥
謙傳貞觀初以子元齡著勳席贈徐州都督云云魏
長賢傳貞觀中贈定州刺史此以唐之元勳而特書
猶有說也盧彥卿之流仕隋不顯在唐亦無可稱道
書之不勝書矣且於全書之例無當

盧勇傳

再遷揚州刺史鎮宜陽 揚州當作陽州下同

高允傳

古人云方一里則爲田三頃七十畝方百里則田三萬
七十畝 按古法一里三百步三三而九爲田九萬
步以畝法二百四十步除之得三百七十五畝舉大
數言之故云三頃七十畝

范陽祖邁 徵士三十四人有名無字者祖邁劉策許
瑛宋愔潘符杜熙張綱王道雅閔弼郎苗侯辯呂季
才

崔仲方傳

謹案晉太康元年歲在庚子晉武帝平吳至今開皇六

年歲次庚午合三百七載 庚午當作景午開皇六年歲在丙午唐人避諱稱景午也自庚子至丙午恰三百有七年

隋書本
作景午

陳氏草竊起于庚子至今庚午 按陳武帝以丙子歲丙丞相錄尚書事明年受禪此庚子庚午亦景午景午之譌蓋校書者不知景卽丙字疑庚與景聲相近而妄改之

張湛傳

燉煌湊泉人也 卽湊泉縣避諱改

劉延明傳

昭王好尚文典 涼武昭王單稱昭王猶請葛亢諡忠
武而世稱武侯也

燉煌實錄二十卷 隋書經籍志涼書十卷記張軌事
偽涼大將軍從事中郎劉景撰又燉煌實錄十卷劉
景撰疑卽一書而志析爲二也延明本名昞唐人避
諱或稱其字或改爲景

鄭義傳

出爲西兗州刺史 魏書地形志東郡治滑臺城天興
中置兗州此傳云西兗州者指此非志之西兗州也
志之西兗治定陶 酸棗郵城皆東郡所屬故義得表

攷異

北史二

八

薦之高祐爲西兗州刺史鎮滑臺亦在高祖朝

鄭述祖傳

初述祖父爲兗州於鄭城南小山起齋亭刻石爲記述
祖時年九歲及爲刺史往尋舊迹得一破石有銘云
中岳先生鄭道昭之白雲堂 按述祖之父道昭歷
光祿二州刺史未嘗爲兗州其大父義則爲兗州刺
史然義爲兗州治滑臺與齊之兗州非一地疑兗當
作光字之誤也

鄭譯傳

內史中大夫烏丸軌每勸帝廢太子 周初功臣賜代

北姓者甚多北史皆書其本姓不書所賜姓如王軌
賜姓烏丸氏惟鄭譯字文忻梁士彥元巖達奚長儒
來和傳稱烏丸軌皆沿隋書之文必隋本紀王軌言
普六茹堅有反相此述當時之語當爾若紀事之文
但稱楊堅不云普六茹

皮豹子傳

道明第八弟懷喜

魏書高祖紀作懽喜本傳單名喜

田益宗傳

乃於新蔡立東豫州以益宗爲刺史

地形志東豫州

太和十九年置治廣陵城梁史所謂北廣陵也在淮

水之北今光州息縣地

孟表傳

除南兖州刺史領馬頭太守鎮渦陽 渦陽今蒙城縣

在淮水之北地形志楚州有馬頭郡領蘄平預二縣

此淮南之馬頭也

在蒙城縣西南

南兖州有馬頭郡治建平

城領蘄已吾下邑三縣此淮北之馬頭卽渦陽也

裴駿傳

子宣爲益州刺史綏撫甚得戎羌之心後晉壽夏置益

州改宣所莅爲南秦州 按地形志益州正始中置

領東晉壽西晉壽新巴南白水宋熙五郡卽此傳所

云晉壽夏置益州也志又云南秦州真君七年置仇池鎮太和十二年爲渠州正始中置治駱谷城裴宣莅益州當在正始初志云渠州疑益州之誤

劉休賓傳

及立平齊郡乃以梁鄒人爲懷寧縣以休賓爲令按地形志不載平齊郡而列傳往往見之崔道固傳徙齊土望共道固守城者數百家於柔乾立平齊郡於平城西北北新城尋徙居京城西南二百餘里舊陰館之西刊本陰誤作除今據水經注校改房景伯傳獻文時三齊平隨例內徙爲平齊人劉芳傳梁鄒降芳北徙爲平齊

人崔亮傳慕容白曜平三齊內徙桑乾爲平齊人是也水經注濕水逕陰館縣故城西縣故樓煩鄉也魏天安三年齊平徙其民於縣立平齊郡則道元著書之時郡尚無恙矣

地形志肆州雁門郡原平縣有陰館城樓煩城

魏書房崇

吉傳及立平齊郡以歷城民爲歸安縣崇吉爲縣令是懷寧之外又有歸安縣也

房彥謙傳

漢王構逆罹罪者多彥謙見張衡當途而不能匡救以書諭之有云若審知外內無虞嗣后纂統而好亂樂禍妄有覬覦則管蔡之誅當在于諒同惡相濟無所

逃罪梟縣孥戮國有常刑遂使籍沒流移恐爲冤濫
恢恢天網豈其然乎罪疑從輕斯義安在 按隋書
國有常刑之下尙有二十字云其間或有情非協同
力不自固或被擁逼淪陷凶威蓋彥謙之意以同要
者罪無可逃被逼者自從輕典所謂籍沒流移恐爲
冤濫乃指情非協同者而言北史刪此數言失其旨
矣

韓子熙傳

除伯華東太原太守 此齊州之太原故稱東太原

程駿傳

父肇呂光人部尙書 人部本是民部避諱改

楊素傳

進爵郢國公真食長壽縣千戶 按下文云改封楚公
真食二千五百戶又云別封一子義康郡公邑萬戶
素以宰相封國公僅食千戶而其子封郡公邑乃萬
戶蓋五等封邑皆虛名非真有食戶也唐人結銜有
食邑食實封之別蓋因於此宋則并所謂食實封者
亦有名而無實矣

楊元感傳

汲郡贊治趙懷義等 胡三省曰隋志煬帝改州爲郡

郡置太守罷長史司馬置贊務一人貳之贊務卽贊

治也隋書成於唐臣避高宗諱故改治爲務北史皆

惟此傳作治亦是後人所改非李史元文

楊寬傳

都督東雍州刺史卽本州也 楊氏恒農華陰人後魏

置東雍州於鄭縣并立華山郡華陰蓋其屬縣故稱

本州

劉懋傳

孝昭初大軍攻硤石 孝昭當作孝明

常爽傳

攷異

北史二

十一

武成西征涼土夷與兄士國歸款軍門武成嘉之武成當作太武

常景傳

肇尙平陽公主 按高肇傳尙高平公主

仍詔景爲幽安元四州行臺 幽安元止三州而云四州疑有脫誤

邢邵傳

蔡揚情與魏元又及邵請置學奏曰二賢兩學感自虞殷 按史敘此事於太昌之後

太昌孝武年號

元又死已久

矣北齊書以爲魏收者爲近之然攷之魏書李崇傳

此奏實出於崇與楊愔邢邵魏收諸人初不相涉其
文云伏聞朝議以高祖大造區夏道侔姬文擬祀明
堂式配上帝蓋孝明熙平二年太師高陽王雍等議
以高祖配明堂故有此奏其時靈太后臨朝攝政元
又亦用事故有靈太后之令也竊意自請置學至累
遷尙書令加侍中凡六百六十七字皆李崇傳文錯
入此篇耳

武帝在京輔政 武帝當作文襄

宣武富於春秋 宣武亦文襄之譌下文宣武甚親重
之宣武還以邵言告邇邇卽啓宣武竝仿此

李崇傳

東荊州蠻樊安聚衆于龍山 按東荊州之名不見於

地形志鄜道元薛真度房亮慕容儼俱嘗爲東荊州

刺史隋志淮安郡後魏置東荊州西魏改淮州者是

也 治比陽

進討西荊諸蠻悉平 魏隋二志俱不載西荊州

後北鎮人破落汗拔陵反 作紀破六韓拔陵六韓與

落汗聲相近

崔光傳

祖曠仕宋爲樂陵太守於河南立冀州

宋志州治歷城置郡縣

卽爲東清河鄆人縣分易夏爲南平原貝邱人也

按宋書州郡志冀州所領有平原清河二郡貝邱與鄆皆屬清河初無南平原東清河之稱魏書地形志有東清河郡鄆與貝邱皆屬焉有東平原而無南平原二志旣小異而貝邱之屬南平原則二志皆未載也

趙隱傳清河後改爲平原

崔亮傳

徐州刺史元昶擬御失和 北史避唐諱改昶爲景此昶字亦後人輒改

淳于誕傳

其先太山中人也 袁廷偉曰中當作博

張讜傳

出爲東河間太守 此青州之河間因劉宋僑置之名
故加東以別之

劉藻傳

遷離城鎮將太和中改鎮爲岐州 離當作雍字相涉
而譌

傅豎眼傳

拜靈越青州刺史貝邱子鎮羊蘭城 地形志樂陵郡

厭次縣有羊蘭城

靈越爲太原太守升城守下當更有守字

尋假鎮南休軍 休當作將

贈吏部尙書左齊州刺史 左字疑衍或有脫文

張烈傳

荊州刺史廣陽王禧 禧當作嘉本傳亦不云爲荊州

刺史

袁翻傳

神龜末遷涼州刺史時蠕蠕主阿那瓌後主婆羅門並
以國亂來降朝廷問安置之計 按本紀及蠕蠕傳
阿那瓌以正光元年來降婆羅門以次年來降蓋翻

攷異

北史二

七

以神龜末遷刺史至正光之世上表言邊事耳

袁聿修傳

出爲信州刺史卽其本鄉也 隋志項城縣東魏置揚

州又改北揚州後齊改曰信州袁氏世爲項人故云
本鄉也是時齊周皆有信州齊之信州在淮北周之
信州在巴東

陽休之傳

魏收監史之曰立神武本紀取平四胡之歲爲齊元

當時稱尔朱爲契胡四胡謂尔朱兆與天光度律仲
遠也李百藥齊書敘韓陵戰功每稱破四胡北史亦

因之蓋承當時俗語神武雖專國政猶終臣位自當效曹馬史例用元氏紀年且神武本封勃海王初無齊名齊元之說理不可通伯起自我作古意主諂媚休之駿改得其當矣

祖珽傳

嘗爲冀州刺史万俟受洛製清德頌 受洛卽受洛于也彼傳失書冀州刺史一節

參軍元景獻故尙書令元世儁子也 魏宗室傳失載景獻名

是魏孝靜帝故博陵長公主所生 故當作姑

五身
二
尔朱榮傳

北人語訛語尔朱爲人主 人尔聲相近

七音譜皆屬日母

詔百官議榮配饗司直劉季明日晉王若配永安則不能終臣節以此論之無所配 此述季明語當有脫文通鑑載其議云若配世宗於時無功若配孝明親害其母若配莊帝爲臣不終詞意完善永安孝莊年號也孝莊之諡定於孝武當世隆議配享之日不當卽稱莊帝北史作永安爲得之

文畧嘗大遺魏收金請爲父作佳傳收論榮比韋彭伊霍蓋由此也 此事重見魏收傳然收初未以伊霍

比尔朱榮亦謫史者已甚之詞

尔朱仲遠傳

封清河公徐州刺史兼尙書左僕射三徐大行臺 三
徐者徐與東徐北徐也徐州治彭城東徐川治下邳
北徐州當治卽邱

尔朱世隆傳

今日爲令王借車牛一乘 世隆稱令王者官尙書令
又封王也楊愔亦尙書令封公故稱令公斛律光和
士開皆官丞相封王故稱相王當時稱謂之不假借
如此

賀拔允傳

字可泥 齊神武呼允爲阿鞠泥見齊本紀

其賊僞署王衛可瓌 北齊書作衛可肱周書太祖紀
作衛可孤孤肱瓌皆一聲之轉也高阿那肱傳云雖
作肱字世人皆稱爲瓌音

賀拔岳傳

乃謂尔朱氏一人爲元帥 謂當作請

毛遐傳

北地三原人也 此曹魏僑置之北地郡非秦漢北地
郡魏志幽州有西北地郡秦昭王置而雍州亦有北

地郡魏文帝分馮翊之殿祔置卽此北地也西魏置北雍州于此

授還南幽州刺史 幽當作幽

毛鴻賓傳

改三原縣爲建中郡 中當作忠

辛雄傳

齊神武至洛於永寧寺大集朝士責雄及尙書崔孝芬劉廡楊機等曰爲臣奉主匡危救亂若處不諫諍出不陪隨緩則耽寵急便竄避臣節安在乃誅之 此語已見齊本紀當刪此存彼

辛德源傳

尚書僕射楊遵彥殿中尚書辛術皆一時名士竝虛襟禮敬按德源卽術之族子附見術傳之後乃忽有一時名士虛襟禮敬之語此豈可施於族父與族子者乎